



20 19 йил. «07» 01

№ 08-06

«___» _____ 20__ год.

**Ўзбекистон Республикаси Президентининг
2018 йил 24 декабрдаги ПҚ–4075-сон қарори ижроси тўғрисида**

Ўзбекистон Республикаси Президентининг 2018 йил 24 декабрдаги “Жамоат хавфсизлигини таъминлаш самарадорлигини ошириш бўйича қўшимча чора-тадбирлар тўғрисида”ги ПҚ–4075-сон қарорида белгиланган вазифалар ижросини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2018 йил 24 декабрдаги ПҚ–4075-сон қарори (кейинги ўринларда қарор деб юритилади) ҳамда Ўзбекистон Республикаси олий ва ўрта махсус таълим вазирининг 2018 йил 31 декабрдаги 1066-сон буйруғи раҳбарлик ва маълумот учун қабул қилинсин.

2. Қарор билан қуйидагилар:

2019 йилда Ўзбекистон Республикасида жамоат хавфсизлигини таъминлаш самарадорлигини ошириш бўйича “Йўл харитаси” тасдиқланганлиги;

Қорақалпоғистон Республикаси Вазирлар Кенгаши раиси, вилоятлар ва Тошкент шаҳар, туманлар ҳокимлари ҳар куни тегишли ҳудуднинг сутка давомидаги криминоген вазияти билан шахсан танишиши ва бунда ижтимоий-маиший тусдаги жиноятларга алоҳида эътибор қаратилиши белгиланганлиги;

“Маҳалла посбони” жамоатчилик тузилмалари раҳбарлари лавозимларини тугатиб, уларга иш ҳақи тўлаш ва ижтимоий қўллаб-қувватлашнинг амалдаги механизмларини сақлаб қолган ҳолда, бўшаётган штат бирликлари ҳисобидан профилактика (катта) инспекторларининг жамоат тартибини сақлаш бўйича ёрдамчилари лавозимларини жорий этиш ҳамда уларга ҳуқуқбузарликлар профилактикаси соҳасида ички ишлар

органларига амалий ёрдам кўрсатиш учун шахсий жавобгарликни юклаш белгиланганлиги;

бириктирилган ҳудудда жиноятлар даражаси пасайган, уларни олдини олиш ва бартараф этиш чора-тадбирлари ўз вақтида қўрилган ҳолларда бир вақтнинг ўзида фуқаролар йиғинлари раислари ва фаоллари, профилактика (катта) инспекторлари ва уларнинг ёрдамчилари ҳамда “Маҳалла посбони” жамоатчилик тузилмасининг алоҳида ўрнатилган кўрсатган аъзоларига меҳнатга ҳақ тўлаш фондининг (пул таъминотининг) 100 фоизгача бўлган миқдорда (ўрнатилган ва тўланаётган қўшимча ҳақ ва устамалардан қатъи назар) ва бошқа пул мукофотлари билан тақдирлаш тартибини жорий этиш белгиланганлиги;

профилактика (катта) инспекторлари лавозимлари, қоида тартиблари, юриспруденция соҳасида билим ва касбий малакага эга шахслар орасидан жамланиши;

ҳуқуқбузарликлар профилактикаси ва жиноятчиликка қарши курашишга муносиб ҳисса қўшган профилактика инспекторларининг ёрдамчиларига Ҳуқуқбузарликлар профилактикаси бош бошқармаси бошлиғининг тавсиясига асосан ички ишлар органларининг олий таълим муассасаларига, шу жумладан касбий тайёргарлик факультетига квота асосида ўқишга кириш ҳуқуқи берилганлиги;

жамоат тартибини сақлаш, ҳуқуқбузарликлар профилактикаси ва жиноятчиликка қарши курашда амалий ёрдам кўрсатган фуқароларни бир марталик пул мукофоти билан тақдирлаш, қимматбаҳо совғалар билан мукофотлаш ва ижтимоий қўллаб-қувватлаш тартиби белгиланганлиги инобатга олинсин.

3. Маънавият ва маърифат маркази (Ш.Пўлотов) ҳамда курс деканлари: мазкур қарор мазмун-моҳиятини ходимлар ҳамда талабаларга етказсин; қарордан хизмат фаолиятини ташкил этиш жараёнида фойдалансин.

4. Ушбу буйруқ ижросини назорат қилиш проректор Д. Умаров зиммасига юклансин.

**Адлия вазири
Ўринбосари – ректор**

 **Е. Каньязов**